

Na osnovu Statuta JP Pannonica d.o.o. Tuzla i Odluke o raspisivanju Javnog poziva broj: 234-1/26 od 01.04.2026.godine, JP Pannonica d.o.o. Tuzla, dana 02.04.2026. godine, objavljuje:

JAVNI POZIV
za dodjelu na korištenje manifestacionog platoa u kompleksu Panonskih jezera u
periodu od 01.07.2026. godine do 15.08.2026. godine

I Predmet Javnog poziva

Predmet javnog poziva je izdavanje prostora u najam za postavku „Dječijeg zabavnog parka“ koji treba da sadrži slijedeće zabavne sadržaje za djecu :

1. “WIPE OUT” - 8 polja / 2 ruke/ minimalno 60 m²/zračna ograda minimalne visine 1,60 m. / elektro motor – puhalica;
2. Električni „GO KART“ autić / motor za djecu- sastoji se od 6 autića i 2 motora/ 12 V baterija/platforma 14m. x 7m. izrađena od vodootpornog materijala sa ogradom,
3. “Bazen sa pedalinama” - dimenzija minimalno 7x7 m./ plastične pedaline za djecu na ručni pogon - 5 komada
4. Stolni zračni hokej za djecu “Air Hockey” – dimenzija 2 m.x1 m./ 2 kom.
5. Boxer aparat “Kruška” - 1 kom.
6. “Bumper Cars” za djecu – električni pogon/24 V baterija/platforma dimenzije minimalno 8 m.x8 m./ 5 komada
7. “Elektro klackalice” za djecu (autić, motor, helikopter)- minimalno 5 komada
8. “Elektro vozić” za djecu – na površini minimalne dimenzije 8m.x6m. sa minimalno 3 kabine;
9. Aparati za zabavu “Hvataljke igračka” / minimalno 2 komada

II Subjekti koji se mogu prijaviti na Javni poziv

- a) fizička lica koja obavljaju obrtničku djelatnost zabavnih i tematskih parkova;
- b) pravna lica registrovana za djelatnost zabavnih i tematskih parkova.

III Lokacija i radno vrijeme „Dječijeg zabavnog parka“

Lokacija na kojoj će biti postavljene sprave za zabavu djece je prostor natkrivenog manifestacionog platoa između prvog i drugog jezera Panonike.

Radno vrijeme zabavnog parka je od 10.00 do 18.00 sati, uz mogućnost i dužeg radnog vremena shodno radnom vremenu Panonskih jezera i mogućnosti da korisnici organizuju nesmetan rad istih. JP Pannonica d.o.o. Tuzla će izvršiti napajanje platoa električnom energijom i vodom za potrebe dječijeg bazena.

IV Naknada za korištenje manifestacionog platoa

Naknada za korištenje platoa u periodu navedenom u članu II Javnog poziva iznosi 8 KM + PDV /m²/mjeseč. za minimalno 400 m² sa rokom plaćanja od 15 dana od dana ispostavljanja fakture.

JP Pannonica d.o.o. Tuzla snosi troškove električne energije i komunalne vode.

V Kriteriji za odabir korisnika manifestacionog platoa

Sve kvalifikovane prijave će biti bodovane u skladu sa Odlukom o raspisivanju Javnog poziva i kriterija za odabir korisnika korištenja manifestacionog platoa. Komisija iz člana VII ovog Javnog poziva će na osnovu osvojenih bodova sačiniti Listu kvalifikovanih ponuda.

VI Način prijavljivanja

Prijave na ovaj Javni poziv podnose se na prijavnom obrascu (*Obrazac 1*) koji se može preuzeti na internet stranici <https://panonika.ba>

Prijavni obrazac se popunjava elektronski (na računaru) i ne može se popunjavati ručno!

Uz elektronski popunjen prijavni obrazac (*Obrazac 1*), prijavitelj je dužan dostaviti sljedeću dokumentaciju:

1. Rješenje o registraciji fizičkog lica koje obavlja samostalnu djelatnost i Rješenje o izmjenama i dopunama podataka ukoliko su vršene izmjene, izdato od nadležnog organa za registraciju djelatnosti na području Bosne i Hercegovine (fotokopija rješenja nadležnog organa),
2. Uvjerenje o izmirenim obavezama prema javnim prihodima, ne starije od 30 dana od dana objavljivanja Javnog poziva (original ili ovjerena fotokopija nadležne Porezne uprave);
3. Ovjerena izjava kojom se dokazuje godina osnivanja;
4. Listu i fotografije zabavnih sprava koje se planiraju postaviti na manifestacionom platou.

VII Provođenje Javnog poziva

Postupak po Javnom pozivu provodi Komisija koju imenuje JP Pannonica d.o.o. Tuzla, a koja ima predsjednika i 2 člana.

Za svaki od kriterija, Komisija pojedinačno dodjeljuje broj bodova, a ukupan broj po Prijavnom obrascu predstavlja zbir svih dodijeljenih bodova u Obrascu za ocjenjivanje (*Obrazac 2*).

Po okončanju postupka ocjenjivanja, Komisija je dužna na osnovu obrasca za ocjenjivanje sačiniti Zapisnik i predložiti Listu krajnjih korisnika po broju osvojenih bodova, najkasnije 5 (pet) radnih dana nakon zatvaranja Javnog poziva.

Po donošenju Odluke iz prethodnog stava ovog člana Javnog poziva, JP Pannonica d.o.o. Tuzla će sa krajnjim korisnikom zaključiti ugovor o korištenju prostora manifestacionog

platoa u kojima će biti utvrđena međusobna prava i obaveze između korisnika manifestacionog platoa i JP Pannonica d.o.o. Tuzla

Uplate se vrše isključivo putem transakcijskih računa odabranog fizičkog/pravnog lica, a iste se vrše na transakcijski račun JP Pannonica d.o.o. Tuzla, broj: 1321000311574872, otvoren kod NLB banke u Tuzli, na osnovu izdate fakture.

IX Trajanje Javnog poziva i rok za podnošenje prijava

Javni poziv ostaje **otvoren 11 dana** od dana objavljivanja Javnog poziva, odnosno **do 13. aprila 2026. do 10:00 sati.**

Prijave na Javni poziv sa pratećom dokumentacijom dostavljaju se u zatvorenim kovertama lično ili putem preporučene pošte¹ na adresu:

JP Pannonica d.o.o. Tuzla
Ul. Šetalište Slana banja bb, 75000 Tuzla, Bosna i Hercegovina
sa naznakom:
„Prijava na Javni poziv za korištenje manifestacionog platoa u kompleksu Panonskih jezera - Ljetna sezona 2026
/NE OTVARATI/

Nepotpune i neblagovremene prijave neće se uzeti u razmatranje.

Sve dodatne informacije o načinu i postupku učešća u ovom Javnom pozivu, mogu se dobiti u JP Pannonica d.o.o. Tuzla na broj telefona: 035 246 711 ili slanjem upita na e-mail: panonica@bih.net.ba.

¹ Prijave koje se dostavljaju putem preporučene pošte moraju na koverti nositi pečat sa danom predaje pošiljke, zaključno sa 09.04.2026. godine.